

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

LAWATAN RASMI KETUA SETIAUSAHA KEMENTERIAN PERDAGANGAN DALAM NEGERI DAN HAL EHWAL PENGGUNA KE KUANTAN, PAHANG

KUANTAN, 16 JULAI 2022 – Hari ini, saya telah mengambil kesempatan dalam misi lawatan kerja saya ke Kuantan, Pahang untuk melawat Terminal Minyak PETRONAS Dagangan Berhad di Kuantan Fuel Terminal, Bukit Pengorak, Kuantan. Esok pula saya akan melawat Syarikat Pembungkusan Minyak Masak Lean Far Trading di Kawasan Industri Indera Mahkota Kuantan sebelum saya menghadiri upacara Perasmian Program Jelajah Franchise Bay Peringkat Negeri Pahang.

2. Tujuan lawatan Ke Terminal Minyak PETRONAS DAGANGAN adalah untuk meninjau serta mendapatkan input pengoperasian dan bekalan minyak petrol dan diesel di stesyen-stesyen minyak bagi kawasan pantai timur semenanjung. Ini bagi memastikan bahawa bekalan petrol dan diesel sentiasa stabil dan berbincang pelbagai keadah untuk mempertingkatkan efisiensi penyaluran bekalan dan mengurangkan ketirisan agar bekalan sentiasa stabil untuk pengguna .

3. KPDNHEP telah mengadakan sesi libat urus bersama syarikat OILCO supaya bekalan minyak petrol dan diesel sampai di stesyen-stesyen tepat pada waktunya. KPDNHEP telah mencadangkan kepada syarikat OILCO untuk membuat perancangan awal dan menyediakan bekalan yang mencukupi supaya bekalan minyak petrol dan diesel tidak terputus seperti mana yang terjadi semasa musim perayaan hari raya puasa yang lalu. Hasil dari sesi libat urus ini dapat dilihat keberkesanannya apabila bekalan minyak terutama di kawasan pantai timur mencukupi semasa perayaan hari raya haji baru-baru ini.

4. Sementara lawatan ke syarikat pembungkusan minyak masak pula bertujuan untuk membuat pemeriksaan dalam memastikan penyaluran subsidi pengeluaran minyak masak paket 1kg di peringkat *repackers* adalah mematuhi syarat-syarat yang telah ditetapkan. Saya dan Penguat Kuasa KPDNHEP juga mengambil peluang ini untuk meneliti semula penyaluran bekalan minyak masak dari kilang ke *repacker* dan dari *repacker* ke pemborong dan peruncit dalam usaha memastikan tiada ketirisan yang berlaku termasuk penyeludupan.

5. Data dan informasi ini sangat penting untuk KPDNHEP menambahbaik mekanisma penyaluran subsidi dan meneliti alternatif seperti pelaksanaan Subsidi Bersasar bagi menjamin penyaluran yang tepat kepada golongan sasaran dan dalam masa yang sama dapat mengurangkan ketirisan dalam usaha Kerajaan mengurangkan beban fiskal Kerajaan dalam soal subsidi.

YBHG DATUK AZMAN MOHD YUSOF

Ketua Setiausaha

Kementerian Dalam Negeri Dan Hal Ehwal Pengguna

Kuantan, 16 Julai 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

